

Gak Minzcuz Doxgiet Buekguh, Caez Cauh Ngoenzcog Gyaeundei Cunghvaz Minzcuz

各民族团结奋进，共创中华民族美好未来



▲Beixnuengx Myauzcuz doxcomz yawj gij sinhvwnz gvendaengz hong minzcuz.
Lungz Linzci ingi



▲Geij boux mehmbwk Yougyangh Gih yawj gij cwngcwz minzcuz Dangcunghyangh.
Lanz Gingganj Lungz Gyahgyah ingi

8 nyied 27 hauh daengz 28 hauh, Aen Hoih Hong Minzcuz Cunghyangh youq Baekging hai, Cunghung Cunghyangh cungjsuhgi, Gozyah cujsiz, Cunghyangh Ginhveij cujsiz Siz Ginbingz youq gwnz hoih gangj vah youqgaenj. Beixnuengx gak minzcuz gak dieg Gvangsiah foenfoen ngonzyawj le gij sinhvwnz mizgven haenx, caemhcaiq hagsib gij cingsaenz youqgaenj vah Siz Ginbingz.

8 nyied 28 hauh gyanghaemh, vunzmbanj Vanzgyangh Mauznanzcuz Swciyen Sw'hwnh Cin Mbanjcinzsangh doxcomz youq henz densi yawj gij sinhvwnz neix, gij vah youqgaenj Siz cungjsuhgi yinxndaej vunzlai fanjyienj hoengghwd. Mbanjcinzsangh miz 731 hoh 3227 vunz, miz Bouxcuengh, Bouxgun, Mauznanzcuz, Myauzcuz, Yauzcuz, Suijczuz, Bouxyaej daengj 7 aen minzcuz. 20 bi doxdaeuj, baengh gij cwngcwz minzcuz aendangj caeuq guekgya, vunzlai Mauznanzcuz, Yauzcuz, Myauzcuz gaenq mbouj youq dieg doekgungz baeznaengz youq lo. Gyoengqde baengh senj dieg banggungz haifat, guh doengh gij canjniieb

dajndaem gooij, gohaeux, gomak, dajciengx nonsei daengj, caeuq gak cuz ginzcung doxcaez duetgungz baenzmiz lo. Bi 2019, mbanj de miznaj aeu ndaej aen mingzdaeuz "aen mbanj yienghbanj guh minzcuz doxgiet baenaj daengx guek". Veiz Bingluz dwg Dangjcungcihbu suhgi mbanj de, de dingq le gij vah Siz cungjsuhgi, gag roxyinh diuz rap gwnzmbaq naek raeuh, baezlaeng aeu yungh cingz yungh sim guhndei hong minzcuz, aeu saedguh vih saedyienh aen loqsiengj Cungguk okrengz okhanh.

Ngoenz de, beixnuengx Myauzcuz laeng Yungzsuij Myauzcuz Swciyen Mbanjmyauz Mungvuh caemh comz yawj gij sinhvwnz gvendaengz hong minzcuz haenx. Bi 2018 seizcin, Mbanjmyauz Ginjdung miz 13 hoh ranzungzhøj 38 boux beixnuengx Myauzcuz daiq yah daiq lwg senj daengz Mbanjmyauz Mungvuh. Aen mbanj neix gyawj yienhsingz, miz Myauzcuz, Yauzcuz, Duncuz, Bouxgun daengj lai aen minzcuz dinghyouq. Mbouj geijlai nanz, gyoengqde couh yungzhaeuj "aen ranz hung" neix bae lo. Gyangngoenz gyoengqde youq gizbaeyouz guhhong, gyang-

haemh cix hwnj daiz guh "canghheiq". Banh Singhhaij couh dwg ndawde boux ndeu. De yawj sinhvwnz le, riu dwk naeuz: "Raeuz daj dieg doekgungz senj daeuj daengz yienhsingz, gvaq hwnj le saedceij ndei, neix aeu gyo' mbaij gij cwngcwz minzcuz aendangj caeuq guekgya!"

8 nyied 29 hauh, Bwzswz Si Minzcunghveij hai hoih hagsib gvancez gij cingsaenz vah youqgaenj Siz cungjsuhgi laeng Aen Hoih Hong Minzcuz Cunghyangh. Aen hoih iugouz sojmiz ganbu cizgungh aeu dawz gij cingsaenz neix caeuq gij cingsaenz "Caet It" dem gij vah youqgaenj cazyawj Gvangsiah gangj de doxgap hwnjdaeuj, daj bak bi lizsij aendangj ndawde gaemdawz aen sawjmingh hong minzcuz seizneix, aeu dawz cukmaenh gij eijsik caezcaemh Cunghvaz Minzcuz guh sienqmeh. Aeu aen youhsi Bwzswz miz vunzlai siujsoq minzcuz comzyouq de, cienzmienh guhlaeg dingnanz cauhguh minzcuz doxgiet baenaj, engq caenhsim baujhoh, ciepcienz caeuq fatyienz minzcuz vwnzva, maedsaed doicaenh guhyienh cauhaeb hwnghat henzguk hawj lwgminz bienqfouq, aeu laebdaeb fatyienz gij cingsaenz

Bwzswz Gijyi caeuq duetgungz gunggeng, coicaenh gij lijsiengj, saenqniemh, cingzgamj, vwnzva gak minzcuz caezcaemh doxgiet. Aeu haenqrengz dajcauh aen daihbuenz "Bwzswz aeu sam rangh seiq sienq haj dieggiek cukmaenh gij eijsik caezcaemh Cunghvaz Minzcuz", roengzrengz doidoengh hong minzcuz Bwzswz Si youq seizdaih moq hwnghat cizlieng sang.

Ngoenz de, Lozyez Yen caemh hai hoih hag gij cingsaenz vah Siz cungjsuhgi. Aen hoih iugouz gak yangh(cin), gak danhvei aeu nyinhcaen hag gij cingsaenz neix, maedsaed dem' ak "seiq aen eijsik", genhdind "seiq aen gagsaeng", guh daengz "song aen henhoh", gag rox dawz swhsiengj caeuq hengzdoengh caezcaemh daengz gij cingsaenz vah youqgaenj Siz cungjsuhgi bae, giethab hong minzcuz saedsaeh Lozyez, dawz gak minzcuz doxgiet youq giz ndeu, doxcaez cau'ok ngoenzcog gyaeundei Cunghvaz Minzcuz.

(Mungz Hungzciuz / 蒙宏谯
Lungz Linzci / 龙林智 Vuj Cunghgoz
/ 伍忠国 Loz Yiz / 罗渝)

